

# Suarina

Sarà suttu à qualchì suara  
Quidda ghjandi ch'hè cascata  
Quandu affaccò a vintata  
Suttu à qualchì suara

Sarà suttu à qualchì suara  
Quiddu fruttu, arrubbatu  
da a ghjandaghja purtatu  
Duali hè chì u ritruvarà

Sarà suttu à qualchì liccia  
Quidda ghjandi suarina  
Sparita quidda matina  
A tinta t'hà pocu diccia

Sarà suttu à qualchì dastru  
Da nimu ammaistratu  
Iè da nimu insitatu  
Nemancu da quiddu latru

Sarà sempri in qualchì docu  
Com'un tisoru ch'hè piattu  
È cusì mondi invidiatu  
Bastaria à truvà u locu

Sarà suttu à qualchì suara  
Quidda nazioni cascata  
Da u frusteri spavintata  
Suttu à qualchì suara, sarà

Indu' sarà quidda suara  
Chì incù u focu ùn piccia  
À l'aienti voddu cunvincia  
Chì a ghjandi dinò  
Chì a ghjandi dinò darà  
Chì a ghjandi dinò darà

Chì a ghjandi dinò darà...

*Svegliu d'Isula*